

立世阿毗曇論卷第八

弁八

陳天竺三藏真諦譯

地獄品第二十三

第一更生地獄

過現未來世

衆生還往生

退起及輪轉

佛世尊證見

諸業不唐捐

有果報不失

隨時處成熟

聖智者自覺

瞿曇知此說

八種大地獄

世尊悉證見

成一切法眼

更生及黑繩

山磕二叫喚

小大兩燒熱

及大阿毘止

如是八地獄

佛說難可度

惡人恒充滿

各各十六隔

四角及四門

分分皆正等

上高百由旬

四方百由旬

鐵城所圍繞

鐵蓋覆其上

下地皆是鐵

焰熾火遍滿

燒惡人可畏

恒然難可近

見者必毛豎

極苦不可看

我今當爲汝

如法次第說

恭敬一心聽

如我所說言

有一地獄名曰更生

一切皆鐵畫夜燒然恒

有光焰長多由旬廣亦如是

是中罪人獄卒

捉持脚上頭下依黑繩

分所以鎌斧時被所

已唯有餘骨筋所接連悶絕暫死極大重苦

獄卒擲去是時冷風吹之還活由此風故皮肉復常是時罪人手爪自生堅利如劍與其同類互起怨心作是思惟是人昔時曾經爲我作如是惡是故我先速害於彼彼起害心亦復如是更互相所如芟麻叢是地獄人受如此相害上上品苦難可堪忍極堅極強最爲痛辣乃至惡業受用未盡求死不得以何行業起此果報令諸衆生於彼中生昔在人中衆多女人共一夫主互相瞋妬若多男子共諍一女起怨家心或邪姪他婦或諍田園

及車乘等或二國王諍於隣地或劫盜他財爲財主所治共結怨家如人交陣更相殘戮已結怨家未相解謝懷此命終由此業報彼中受生復次種種諸惡不善業報故於彼中生復次有增上業感彼中生彼中生已受用種種惡業果報云何業因今諸罪人更相殘卷八斫昔在人中執持鎌斧及刀仗等斬所有命衆生之類是故於中受相所報復次何業爲冷風所吹而復更生昔在人中畜養飲食牛鹿猪羊鷄鴨之屬得肥長已爲得多肉當復

烹殺由此業報感彼冷風還得暫活云何業報得生利爪如利鐵劍昔在人中給人刀仗作如此教汝等可來某處州郡及縣邑等往彼行殺或人或畜由此業報劍爪得生云何此獄名曰更生彼中罪人作如此意我今更

生身肉如本故名更生又復此獄本名更生爾時世尊欲重明此義而說偈言

更生地獄中頭下脚在上執持鎗斧等隨繩卒所是時被所已唯餘骨聚在血肉皮筋等還復如本生指端利劍爪

由業自然生隨昔怨瞋心更互相斬斫受相所害已冷風還更吹生一切身分淨風業所感如來人天師如實見是已是故說更生造惡人住處

### 第二黑繩地獄三

復次地獄名爲黑繩一切皆鐵晝夜燒然火恒光焰長多由旬廣亦如是是中罪人獄卒捉持拶令卧地如憲生樹隨黑繩界所以鎗斧或爲八角或復六角或復四稜有諸罪人從其足跟乃至頸項斤斧斬斫如蔗節長復

有罪人從項至足斧斤細斷亦如蔗節是地  
獄人受此殘戮上上品苦難可堪忍極堅極  
強最爲痛惱乃至惡業受用未盡求死不得  
是何行業起此果報令諸衆生於彼中生昔  
在人中作如此業隨世律制隨世量決自作  
殺他如是重罰如是多量斬所其手如是量  
者斬所其脚劓鼻刖耳亦復如是如是多量  
割其背肉或割二髀或五兩或十兩由此業  
報是諸衆生於中受生復有種種諸惡不善  
業報於彼中生復次有增上業感彼中生彼

生已受用種種惡不善業報彼中有時獄卒  
罵詈怖畏受罪之人惡人起起莫動時無量  
罪人心大驚怖一時竦倚猶如旛林是時鐵  
衣及鐵袈裟火恒燒然出大光焰無數千萬  
赤鐵袈裟及赤鐵衣從空來下時諸罪人作  
是叫喚是衣來是衣來是衣至已隨一一人  
各各纏裹皮肉筋骨悉皆焦爛焦爛盡已鐵  
衣自去是地獄人受此燒炙上上品苦難可  
堪忍極堅極強最爲痛惱乃至惡業受報未  
盡求死不得是何行業受此果報令諸衆生

於彼中生昔在人中捉持鞭杖捶撻有命衆  
生或以皮杖或用葦藤或復魚尾鞭枷衆生  
復有出家破戒受用國土衣服及與腰繩以  
此業報於中受生復以種種諸惡不善果報  
於彼中生復次有增上業感彼中生彼中生  
亦  
已受用種種不善業報有諸罪人獄卒剥皮  
從足跟至頸則止不令都離又獄卒從頸項  
作如是業有命衆生生剥其皮令皮不脫猶  
著其身似如衣服爲戲樂等復次昔在人中  
剥皮至足跟而止亦不都離復有罪人從頸  
剥皮至腰而止或從腰剥皮至跟而止令諸  
罪人身所帶皮垂拖披曳皆至於地自他踐

履痛苦難當譬如世人所著衣服縱橫長短  
不能整齊在其身皮亦復如是此地獄人受  
自剝剥上上品苦難可堪忍極堅極強最爲  
痛辣乃至惡業受報未盡求死不得是何行  
業受此果報令諸衆生於彼中生昔在人中  
作如是業有命衆生生剥其皮令皮不脫猶  
著其身似如衣服爲戲樂等復次昔在人中  
鞭撻衆生或自作爲他所教復次出家破戒  
受用國土衣服卧具等由此業報於彼受生  
復有種種諸惡不善業報於彼中生復次有

增上業感彼中生彼中生已受用種種不善業報是地獄中極大黑暗密煙充滿煙氣慘辣裂皮破肉徹骨至髓此煙毒觸遍身內外獄卒驅逼令人煙中然後方置是諸罪人畏避此煙周惶駆走無數由旬互蹋身皮更相<sup>五</sup>固苦是地獄人受此煙毒上上品苦難可堪忍極堅極強最爲痛辣乃至惡業受報未盡求死不得是何行業受此果報令諸衆生於彼中生昔在人中作高密室以煙殺人或作牢獄人以煙苦或豪豬或鯀鯉或獺或狐或

狸或鼠或蝟蜜蜂之屬皆在坎中於其穴中作煙熏取乃至蚊蚋以煙熏逐以此業報於中受生復有種種諸惡不善業報於彼中生復次以增上業感彼中生彼中生已受用種不善業報云何此獄名爲黑繩是中罪人隨黑繩界斬所固苦故名黑繩又復自性本名黑繩欲重宣此義而說偈言

黑繩中獄卒 儲罪人如樹 隨黑繩界道執持鑄斧所 復次赤鐵衣 畫夜恒燒熱  
縗厭諸罪人 血肉流及燥 剥足皮至頸

從頸腰亦然 黑繩中罪人 多無皮赤肉  
可畏黑闇中 毒煙悉充滿 獄卒逼驅入  
入已方捨置 駆走多由旬 煙暗無所見  
更互履身皮 自他俱困苦 此中因及果  
如寶佛自知 如是說黑繩 惡人所住處

大巷地獄在更生黑繩二獄中間其有地獄  
名曰大巷如大市巷是中罪人或時仰眠或  
時覆眠或置白中鐵杵眷擣或有罪人從腳  
至頭分分斬所或有罪人褫皮布地還割其  
肉以積皮上復有罪人下劙手斷舉劙手生

以是因緣積其手聚猶如山高脚耳鼻頭下  
劙即斷舉劙還生頭鼻等聚亦如山高乃至  
惡業受報未盡求死不得是何行業受此果  
報令諸衆生於彼中生昔在人中屠膾爲業  
殺羊猪牛鹿以自活命或捕魚鳥或辦決牢  
獄或自爲劫盜或刑剪罪人由此業報彼中  
受生復有種種諸惡業報於彼中生復次有  
增上業感彼中生彼中生已受用種種不善  
業報是地獄人頭如象頭身似人身復有罪  
六人頭如馬頭身如人身復有罪人頭如牛頭

身亦似人如是等類種種不同是中獄卒取諸罪人駕以鐵車晝夜燒然恒有光焰赤鐵爲炬赤鐵爲繩是中路地一切皆鐵長多由旬廣亦如是是中獄卒執赤鐵錐驅蹙來去受如此害上上品苦難可堪忍極堅極強最爲痛辣乃至惡業受用未盡求死不得彼是何業受此果報令諸衆生於此中生昔在人中或調象師或調馬師或復調牛諸騎乘師等由此業報彼中受生復次種種諸惡業報於彼中生彼有增上業報感彼中生彼

已受用種種不善果報彼中復有衆生頭作牛頭身是人身亦有鹿頭人身復有猪頭人身如是等類種種無數獄卒衆多聚集圍繞執持弓刀種種器仗所刺罪人受此殘害上品苦難可堪忍極堅極強最爲痛辣乃至惡業受用未盡求死不得是何行業受此果報今諸衆生於彼中生昔在人中持捉刀杖田獵網捕有命衆生多人圍繞或斫或刺或殺或害由此等業彼中受生復次種種諸惡業報於彼中生復有增上業報感彼中生彼

中生已受用種種不善業報彼中有樹名逆刺跋浮梨一切皆鐵晝夜燒然恒有光焰樹高一由旬刺長十六寸彼中獄卒捉罪人臂牽上刺樹而復牽下若牽上時刺低向下若牽下時刺仰向上牽上下時腹若著樹皮肉即盡若背著樹皮肉亦盡其腹皮肉還復更生脅背皮肉盡生亦爾由此事故隨腹脇背牽上牽下如是罪人受此殘害上上品苦難可堪忍極堅極強最為痛猝乃至惡業受用未盡求死不得昔行何業受此果報令諸衆

生於彼中生昔在人中邪媱他婦或有婦人欺背夫主由此等業於彼中生復次種種諸惡業報於彼中生復有增上業報於彼中生彼中生已受用種種不善業報於彼獄中復有衆多赤鐵炭山晝夜燒然恒有光焰是中獄卒捉罪人臂牽上牽下隨腹著山皮肉焦盡若背著山皮肉亦盡腹還復故背脇皮肉盡生亦爾由此事故隨腹脇背牽上牽下如是罪人受此殘害上上品苦難可堪忍極堅極強最為痛辣乃至惡業受用未盡求死不

得昔行何業受此果報今諸衆生於彼中生  
昔在人中取有命衆生擲置火中或熱砂中  
或熱灰中或擲不淨穢中或以牛馬駕於車  
乘熱砂中行由此等業彼中受生復次種種  
諸惡業報於彼中生復有增上業報感彼中  
生彼中生已受用種種不善業報

第三聚燄地獄

復有地獄名為聚燄其相猶如二山中間是  
中獄卒執持種種器仗恐怖罪人是時罪人  
悉皆畏懼入二山中間無數千人入山中央

已有大火聚塞斷前路是時罪人見是猛火  
便欲縮退復見其後有大火聚周憚宛轉二  
山便合兩山來時一切罪人發聲叫喚作如  
是言是山來已是山來已山遂相合如壓麻  
油山壓罪人亦復如是既壓竟已山開向上  
是諸罪人見山聳起爭入其下山即復落重  
壓其身譬如張壓壓諸雜獸血流成江唯筋  
骨在無復皮肉受此殘害上上品苦難可堪  
忍極堅極強最為痛苦乃至惡業受用未盡  
求死不得昔何行業受此果報令諸衆生於

彼中生昔在人中以竹笪覆人牽象踐躡或開戰時作諸壓車以磕於人又懸機石縋下殺人復於險路作諸機穿陷殺衆生或以爪齒招齧蚤蟲如是等業受此果報於中受生復有種種諸不善業於彼中生復有增上業九報感彼中生彼中生已受用種種不善業報其中罪人但餘筋骨無復血肉是時獄卒謂其伴言我今共汝一彈指頃春擣罪人即捉諸罪人內熱鐵槽中以熱鐵杵擣碎其身一彈指頃當人中五百年壽受此殘害上上品

苦具如前說昔行何業感是果報令諸衆生於彼中生昔在人中或執持牟稍及义戟等刺害衆生穀米麻麥谷蟲春陽由此等業於中受生復有種種不善業報於彼中生復有增上業感彼中生彼中生已受用種種不善業報云何此獄名曰聚磕是中罪人聚集一處兩山聚磕故名聚磕又復此獄本名聚磕故名聚磕重說偈言

聚磕地獄中 大二山中央 無數諸罪人入中如鹿聚 由昔業報故 是兩山相合

磕壓多衆生 火聚塞前後 從罪人身分  
流血成江河 如是受困苦 中間不得死  
安置赤鐵船 執杵所轟擣 受昔諸業報  
彈指五百年 如來人天師 如實見其已  
是故說聚磕 造惡人住處

第四叫喚地獄

復有地獄名爲叫喚其相猶如狹室無量千  
數彼中罪人人各一室身大房小迫迮困苦  
絶四處受燒炙害是罪人下其火熾然火  
勢若猛叫聲則烈火勢小羸叫聲則下受此

燒炙上上品苦難可堪忍極堅極強最爲痛  
劇乃至惡業受用未盡求死不得昔何業行  
受此果報令諸衆生於彼中生昔在人中於  
無救濟於無依止衆生自作教他行大重罰  
自作教他焚燎原野或作密室以火殺之或  
作牢獄以火苦之或蒙猪鯀鯉獺狐狸鼠等  
穴處之類於其穴口以火燒炙乃至蚊蚋以  
火熏逐以此業報於中受生復有種種諸惡  
業報於彼中生復次以增上業感彼中生彼  
中生已受用種種不善業報

第五大叫喚地獄

復有地獄名大叫喚其相猶如大焰廣長無數由旬皆是赤鐵具如前說是中獄卒手持鐵拍擬怖罪人罪人見已生大怖畏或走逃叛或不逃叛或周憚漫走或面掄壁或復直視或逢迎讚歎或辭謝乞恩是時獄卒問逢迎者汝等云何敢來迎我即以鐵拍打碎其頭如破酪瓶頭碎腦漿亦復如是語不迎者汝何敢不來碎破其頭亦復如前漫走不走擒壁正視叛不叛者各問打治例皆如是以

此因緣悉皆破頭無得免者受此殘碎上上品苦難可堪忍極堅極強最爲痛劇乃至惡業受報未盡求死不得昔何行業受此果報令諸衆生於彼中生皆在人中鑿塗爲獄若犯罪者安置是中令其不見日月光明由此

業報於彼受生復有種種諸惡業報於彼中生復次諸增上業感彼中生彼中生已受用種種不善業報復行何業受碎頭報昔在人中有命衆生拍破其頭或魚蛇蜈蚣等種種衆生由是等業受碎頭報此獄燒多困苦復

劇於前長有碎首等苦云何此獄名大叫喚  
是中罪人由拍由火大號大叫唯大叫聲無  
所詮辯乃至不能喚母喚父是故地獄名大  
叫喚又復自性名大叫喚重說偈言

叫喚地獄中 多人被迫迮 下火若天然  
叫喚聲可畏 若火勢羸弱 叫聲亦隨下  
摧折威儀苦 及以燒炙痛 第二大叫喚  
深暗令毛豎 璧立不可登 廣大無數量  
獄卒於彼中 執持赤鐵拍 碎頭如怨家  
無量百千年 如來人天師 如實見是已

故說二叫喚 造惡人住處  
第六燒炙地獄

復有地獄名曰燒炙其相猶如窯竈一切皆  
鐵畫夜燒然恒發光焰廣長無數由旬是中  
罪人無數千萬閉塞燒炙熟已內外焦燥虛  
脆易脫譬如肉脯是時獄門自然而開其門  
外邊有無數狗或鳥或駿身高長大伺待門  
閑爭入獄裏牽出罪人齋憚其身如倒生樹  
恣意取食既被食已皮肉皆盡唯餘骨聚困  
苦難處當時悶絕冷風來吹皮肉更復是時

獄卒復驅令入還受先苦燒炙食歟上上品  
苦具如前說昔何行業受此果報令諸衆生  
於彼中生昔在人中造作牢獄無有門戶增  
土象糞雜以泥壁及以塗地以鹽和瞿曇婆  
樹油滅罪人身擲置獄中日光照炙於一夜

中臭爛脣脹或蒸或煮殺害罪人或復安火  
燃炙殺人或煮或煎炒有命衆生以此  
業報於中受生復有種種諸惡業報及增上  
如昔所行業此中受苦報是時身已熟  
羣狗競食歟皮肉皆消盡唯骨是其餘  
歟昔在人中畜養師子虎豹熊羆豺狗之屬

令其齷齪有命衆生以是等業受彼中生餘  
如上說昔何行業得冷風吹昔在人中為須  
多肉養飴衆生以此業故得冷風觸云何此  
獄名之燒炙是中罪人身心被炙故名燒炙  
又復自性名為燒炙重說偈言

燒炙地獄中鐵舍大焰熱氣熱極盛猛  
猶如燒火聚是中造罪人密塞而受炙  
如昔所行業此中受苦報是時身已熟  
羣狗競食歟皮肉皆消盡唯骨是其餘  
冷風一來吹皮肉還復本獄卒更驅入

還更受前苦 妄來人天師 如實見是已  
故說是燒炙 造罪人住處

第七大燒炙地獄

復有地獄名大燒炙其相如高廣山一切皆  
是赤鐵晝夜燒然恒發光焰有赤鐵利弗燒

火

熱最劇恒發光焰周圓上下皆所圍繞或有  
罪人一弗所貫就火山炙或兩三弗或十二  
十乃至百千縱橫穿貫就火山炙若一邊已  
熟其弗自轉復炙一邊復有罪人鐵弗自拔  
貫未傷處翻轉就炙復有罪人由上上品惡

業報故無數諸弗並皆自來叉刺其身是中  
罪人受此弗炙上上品苦難可堪忍極堅極  
強最為痛劇乃至惡業受報未盡求死不得  
昔行何業受此果報昔在人中弗貫火炙有  
命衆生由此業報於中受生復有種種諸惡  
業報於彼中生復次諸增上業感彼中生彼  
中生已受用種種不善業報云何此獄名大  
燒炙彼中罪人為弊所刺以就火山內外燒  
炙愁憂苦惱故說大燒炙又復自性本名燒  
炙重說偈言

大燒炙地獄 利弗皆是鐵 圍繞鐵火山  
宿世惡業風 是中行惡人 無數被穿貫  
如反覆炙魚 隨業令其爾 如來人天師  
如實見是已 故說大燒炙 造惡人住處

第八阿毘止地獄

復有地獄名阿毘止其相猶如大城一切皆  
是赤鐵晝夜燒然恒發光焰是獄東壁一切  
赤鐵晝夜燒然恒發光焰是獄東壁上下並  
然東壁火焰交徹西壁西壁火焰徹東壁南  
火徹北北火徹南上火徹下下火徹上四方

火焰遍滿獄中是中罪人無量千數重沓受  
燒猶如樵穉中有罪人由此惡業上上品故  
身體長大虛疎柔軟更相蹙逼身首低垂不  
能行走絕四威儀有諸罪人由此宿業下中  
品故恒求出離周憇漫走或有時節是大地  
獄東門自開是諸罪人咸唱門開競走求出  
十八  
未至門邊門自還閉是時西門更復門闢南  
門北門亦復自開是諸罪人唱云門開疾走  
向門未至門所門已自閉是中罪人受此無  
間地獄大苦難可堪忍極堅極強最爲痛劇

乃至惡業受報未盡求死不得昔行何業受此果報昔在人中或殺母殺父殺阿羅漢起殺害心出佛身血破和合僧或復其母已是聖人生於媱過殺正定聚人或殺菩薩衆生或破壞如來四種支提或劫奪聚集因緣四方僧物或行殺生偷盜邪媱妄語兩舌惡口綺語貪愛瞋恚邪見等最極上品隨其一二乃至具足以此惡行於中受生復有種種諸惡業報於彼中生復次諸增上業感彼中生彼中生已受用種種不善業報云何此獄名

阿毘止彼中罪人恒常受苦無有間息最上品餘地獄苦則不如此何以故餘地獄中獄卒或時來或時不來或由冷風大苦暫息此地獄中則不如是從始至終受上上品苦難可堪忍極堅極強最爲痛劇十六此中罪人壽命一劫乃至半劫乃至不定譬如鑪冶竟日燒鐵星焰沸涌燒罪人身亦復如是故說名阿毘止又復自性亦名阿毘止重說偈言十五阿毘止地獄一向最劇苦晝夜大燒然光焰聚遍滿譬如一日燒鐵鑊出光焰

如是阿毘止 一切火光徹 是中罪人身  
猶如大火聚 汝等看業力 由此不灰炭  
或時見門開 爭競走馳出 未至門已閉  
宿業未盡故 如天受樂人 求死不求生  
此中受苦者 求死不求生 求生不求死  
如實見是已 故說阿毘止 造惡人住處

第九外園隔地獄

八地獄外四方圍繞各有四重園隔地獄何  
等爲四一熱灰地獄二者糞屎地獄三者劍  
葉地獄四者烈火汁地獄如是四重次第圍

繞一一地獄如是應知若次第說有地獄名  
熱灰是諸罪人從大地獄出見外熱灰如平  
坦空地見此相已起如是心我今決應往彼  
於是罪人往到彼中腳踐熱灰皮肉即爛譬  
如蠟塊投猛火中隨其舉脚皮肉還復或時  
至膝或時至脰或時至頸或沒不現此中無  
數由旬周憊漫走受上上品苦難可堪忍極  
堅極強最爲痛劇乃至惡業受報未盡求死  
不得昔行何業受此果報昔在人中取有命  
衆生擲置火中或熱灰中或熱砂中或邪嫗

他婦過世法則入他境界或出家破戒行住坐卧僧伽藍中或起惡心或踐踐四支提境界及履支提影以此業報於中受生復有種種諸惡業報於中受生復次諸增上業感彼中生彼中生已受用種種不善業報第二地獄名曰糞屎是中罪人出熟灰獄外見糞屎如涼華池見已起如是心我今決定必應往彼是時罪人往入彼中入其中已有無數蟲蟲口堅利皆如劍鋒鑽破皮肉乃至筋骨致食其髓復有諸蟲從鼻孔入食其五臟或從

十六耳入或從眼入或從口入或從小大道入並唼食五臟復有大蟲含嚼罪人血肉既盡吐出其骨如棄棗核具受如是上上品苦難可堪忍極堅極強最為痛劇乃至惡業受報未盡求死不得昔行何業受此果報昔在人中取有命衆生擲置糞坑或不淨處乃至溝瀆以此業報於中受生復有種種諸惡業報於中受生復次諸增上業感彼中生彼中生已受用種種不善業報昔行何業受蟲食致困苦果報昔在人中或令蛇狗蜈蚣鼈鷁之屬

齧嚼有命衆生或起惡心受用五塵由此業報於彼中生受鑽破食噉如是等苦而說偈言

已渡糞屎獄

竟

見可愛樹林

具鬱茂枝條

十七

風復吹皮肉更生復受噉食乃至果報未盡求死不得昔行何業受此噉食昔在人中令虎狼師子噉食有命衆生或放鷹犬獵諸禽獸由此等業彼中受生受食噉報復有種種諸惡業報於中受生昔行何業被冷風吹昔

如是林中有老烏白頸鴟鷀鶲鷺鳥等是地復有豺狗野干虎狼師子等身皆長大是諸禽獸謹憚罪人如倒生樹食噉其肉皮血肉盡唯餘骨在時諸罪人受此啄害上上品苦難可堪忍極堅極強最爲痛劇當時悶絕冷

在人中畜養衆生使令肥壯欲得多肉以是業報得冷風吹第三地獄名曰劙葉是諸罪人已度糞屎地獄見劙葉地獄心起愛著如庵羅林是劙林路有諸鋸刺七首剃刀刀劙鋒刃遍布其地時諸罪人行此林路備受鑽

刺等苦得入大林時無數億千衆生入此林已惡業因緣大風卒起雨諸器仗所謂劍雨箭雨鉗雨鐳斧等雨隨所著處身分斷絕頭首分離如所木札布散狼藉或雨鐵戈從頂貫執動轉不得受此殘害上品苦極堅極強最爲痛劇乃至惡業受報未盡求死不得昔行何業受此果報昔在人中行鬪戰事與人刀仗遣令鬪戰作如是言汝等用此器仗取彼國土長圍四合聚集多人肆意殺害由此業報於彼中生復有種種業報於中受生

復有增上業報感彼中生彼中生已受用種種不善業報第四地獄名烈灰汁是諸罪人從劍葉樹林出見烈灰汁言是清冷江水心起愛著往入江中是等罪人先在劍林遍身破裂入此江水身併爛壞血肉都盡惟筋骨相連逐水浮漾受此殘酷上品苦極堅極強最爲痛劇乃至惡業受報未盡求死不得昔行何業受此果報昔在人中取有命衆生熱油煎灌或糖或蠟或煮死屍取汁澆灌或不淨穢身入園人所用池井洗濯以此業報

於中受生復有種種諸惡業報於中受生復有增上業報感彼中生彼中生已受用種種不善業報灰河兩岸有諸獄卒無量千數身並長大執叉戟等守視罪人有時罪人語獄卒言官我今大饑獄卒即以叉取擲置岸上或用鉗鈎擘開其口燒熱鐵丸恒有光焰捉內口中唇口焦然咽胸心腹五藏腸胃並皆潰爛丸從下出是諸罪人受此酷害上上品苦難可堪忍極堅極強最爲痛劇乃至惡業受報未盡求死不得昔行何業受此果報昔

在人中以毒食飼他或鳩殺人或出家破戒食國土供養或妄語惡口如是等業受此果報彼中受生復有種種諸惡業報於中受生復次諸增上業感彼中生彼中生已受用種種不善業報有時罪人語獄卒言官我今大渴獄卒即以叉取罪人擲置岸上或用鉗鈎擘開其口洋熱鐵汁恒有光焰灌其口中唇口焦然咽胷心腹五藏腸胃並皆爛潰鐵汁下出是時罪人受此酷害上上品苦難可堪忍極堅極強最爲痛劇乃至惡業果報未盡

求死不得昔行何業受此罪苦昔在人中取象馬等尿灌他口鼻或以五辛 辣汁澆他鼻口或置毒飲中逼令他服或勸他飲種種諸酒或爲利醕酒或自飲酒或出家破戒受用國土供養酥油糖蜜等飲或復飲他非所堪飲以此業報於中受生復有種種諸惡業報於中受生復有增上業報感彼中生彼中生已受用種種餘不善業報重說偈言

罪人出大獄

見此熱灰中

猶如平廣地

起愛即往彼

至已漫馳走

無數諸由旬

舉下腳生爛便見糞屎坑是中無數虫  
破筋骨食髓謂枝條軟茂

口堅利如鋒復出糞坑已見鈍林起愛

社復欲求樂林中種種鳥憚入如生樹

食啖其血肉是時既食已唯餘筋骨在

冷風一來吹皮肉更還復怖畏起跳踊苦處作安想

路中受殘害入可畏劔林是時身破裂

極痛血洪流出離此林已便復入灰河

如煮豆涌沸 或沉或浮轉

沸烈灰汁中

罪人亦如是

兩岸諸獄卒

執叉刺其體

將出置地上

逼使吞鐵丸

或復洋鐵汁

求飲灌口中

焦爛遍身裏

然後從下出

如是行惡人

受此地獄苦

昔不修善業

修行邪曲路

由起正思惟

能離諸惡業

一向行善行

是人度惡道

知善惡二業

果報差別異

智人應離惡

當種諸善根

復有別修行

八直聖道分

爲滅一切苦

觀無餘四法

如來人天師

如實見是已

故說園闥獄 造惡人住處

第十閻羅地獄

如佛婆伽婆及阿羅漢說如是我聞一時佛

世尊說比丘我以天眼清淨過於肉眼見諸

衆生退沒生起善色惡色若妙若麤或住善

道或住惡道隨業受生如實我知而說偈言

起造邪惡心 及說邪曲語 或作邪身業

由昔放逸故 少聞無福德 促命中爲惡

是人捨身命 即墮閻羅獄

佛告比丘若人宿世不恭敬父母及沙門婆

羅門不恭敬親友尊長不修正善及福德行於現在惡及未來罪不生怖畏不行布施不修福德不受八齋不持五戒捨壽命已生地獄中獄卒收錄送與閻羅白言此人往昔不恭敬父母及沙門婆羅門不恭敬親友尊長廿九一  
廿九親友尊長不修正善及福德行於現在世惡及未來罪不生怖畏不行布施不修福德不受八齋不持五戒願王教戒是人令識善惡因果時閻羅三依五天使正善教戒謂衆生曰汝先不見第一天使往彼人中大王我先不見王曰

昔汝在人中不見年少童子嬰孩初生仰眠不能避濕就燥時耶衆生言法王我昔已見王言汝見識解何不思計我今應生未度生法我應隨能依身口意修行善法爲長時中得於正道利益歡樂衆生言大王我昔放逸不能行善王言汝邪惡業自作自長非父母所作非國王所作非天所作非先亡沙門婆羅門等所作自作自受雖不願求果報決至時閻羅王因是天使呵責教已復因第二天使正善教勅謂衆生曰汝先不見第二天使

往彼人中大王我先不見王曰汝昔在人中  
不見若男若女老長大等或復背僂猶如角  
弓扶杖前步舉身戰動衆生言大王我昔已  
見王言汝既識解何不思計我今應老未度  
老法我應隨能依身口意修行善法爲長時  
中得於正道利益歡樂衆生言大王我昔放  
逸不能行善王言汝邪惡業自作自長非父  
母所作非國王所作非天所作非先亡沙門  
婆羅門等所作自作自受雖不願求果報決  
至時閻羅王因是天使訶責教已復因第三

天二使正善教勅謂衆生曰汝先不見第三天  
使往彼人中大王我先不見王曰汝昔在人  
中不見若男若女疾病困苦極難或滯牀席  
或據遷提或眠地上是身苦受最堅最强難  
堪難忍侵損壽命衆苦所逼大王我昔已見  
王言汝已識解何不思計我今應病未度病  
法我應隨能依身口意修行善法爲長時中  
得於正道利益歡樂衆生言大王我昔放逸  
不能行善王言汝邪惡業自作自長非父母  
所作非國王非天非先亡非沙門婆羅門等

所作自作自受雖不願求業報決至時閻羅王因是天使訶責教已復因第四天使正善教勑謂衆生曰汝等先不見第四天使往彼人中大王我先不見王曰汝昔在人中不見若男若女或一日死或二日三日乃至七日或脣脹或黯黑或臭爛或爲禽獸食噉衆生言大王我昔已見王言汝既識解何不思計我今應死未度死法我應隨能依身口意修行善法爲長時中得於正道利益歡樂衆生言大王我昔放逸不能行善王言汝邪惡業

自作自長非父母所作非國王非天非先亡沙門婆羅門等所作自作自受雖不願求果報決至時閻羅王因是天使訶責教已復因第五天使正善教勑謂衆生曰汝等先不見第五天使往彼人中大王我先不見王曰汝昔在人中不見世人或殺或盜或復邪淫乃至妄語惡口等罪爲王人所錄編頭面縛打鼓徇令於四衢道出城南門至行刑所坐置標下隨罪輕重種種治罰或杖或鞭或刖手足或劓耳鼻乃至大辟衆生言大王我昔已

見王言汝既識解何不思計一切惡業現報  
可見我今屬業隨業力行若善若惡所作諸  
業於當來世知因受生衆生言大王我昔放  
逸不能行善王言汝邪惡業自作自長非父  
母非國王非天非先亡沙門婆羅門等所作  
自作自受雖不願求果報決至作是言已捨  
心而住是時獄卒捉此罪人倒懸向下入更  
生地獄此獄有四角四門鐵城圍繞上下皆  
鐵晝夜燒然恒出光焰其中罪人隨黑繩界  
受錘斧斫血肉俱盡唯餘筋骨困苦難堪悶

絕暫死時冷風吹血肉還復受此殘害上上  
品苦乃至惡業受報未盡求死不得苦行何  
業受此果報令諸衆生於彼中生昔在人中  
凌慢父母沙門及婆羅門不恭敬親友尊長  
不修正善及福德業於現在惡及未來罪不  
生怖畏不行布施不修福德不受八齋不持  
五戒由此等下品業故於彼中生受此殘害  
種種困苦次增重品生第二黑繩獄次增重  
品生第三聚磕地獄次復重品生第四叫喚  
獄次復重品生第五大叫喚獄次復重品生

第六燒熱獄次復重品生第七大燒熱獄次復增品生第八阿毗止獄是毗止獄四角四門鐵城圍繞上下皆鐵晝夜燒然遍滿火焰是中罪人無量百千重沓受燒猶如熊羆猶如鍊鐵竟一日夜其身被燒亦復如是佛言<sup>廿四</sup>比丘是毗止地獄或東門暫開罪人見已向門而走覓依止處覓救濟處求覓出離未達門所門已還閉西南北門亦復如是見是事已念望斷絕身心苦惱悲號酸痛無量年歲恒受如是上上品苦難可堪忍最爲痛劇乃

至惡業果報受用未盡求死不得昔何行業受此果報昔在人中誹謗調弄精進仙人或孤負恩義或反逆殺害愛念親友是八阿毗獄正業處方便因故於中受生復有種種諸惡業報於中受生復次諸增上業感彼中生彼中生已受用種種不善業報受正報已出大地獄由殘業故入四園隔先入熱灰灰深沒膝下膝焦爛如蠟投火若舉足時皮肉還復是中罪人求覓依止救濟出離周惶漫走無數由旬見糞屎坑其地皆糞死屍遍滿其

中有蟲名攘鳩咤其數無量形似長蛇身白頭黑口如劍鋒舉頭張口待罪人至罪人入已是蟲穿皮入肉徹骨食髓受此苦時無數千年恒大叫喚乃至惡業未盡求死不得出此獄已見劍葉林求覓依止救濟出離向林卷五

疾走於其路中種種槍刺破裂身腳次入劍林時有熱風吹動劍樹風觸如火舉體焦爛投熱鐵丸隨丸所至唇舌心胃腸胃五臟皆悉焦爛丸直不出渴飲鐵汁亦復如是無數劍林復雨種種器仗所刺身體隨所著處皮肉無餘受此殘害無數千載恒大叫喚乃至惡業未盡求死不得復有種種禽獸食噉其

身並如前說出此獄已見烈灰汁河溢滿沸涌求覓依止救濟出離馳走入河宛轉顛倒猶如煮豆邊有獄卒執持鐵網擋出罪人眼赤鐵岸獄卒問言罪人汝何所湏罪人言我今飢不可忍是時獄卒即以鐵鉗格開其口投熱鐵丸隨丸所至唇舌心胃腸胃五臟皆悉焦爛丸直不出渴飲鐵汁亦復如是無數千年恒大叫喚受此因苦乃至惡業未盡求死不得出此獄已見中間巷獄猶如大市是中樹林名啖浮梨中有獄卒執罪人臂牽上

牽下並如前說復有鐵鍤鐵汁沸滿獄卒捉人擲置鍤中人中歲數滿五百年方得暫出時纔得喚何不辰喚每復沉沒是中復有罪人或仰或覆以赤鐵釘遍釘其身著熱鐵地或牽罪人舌如牛皮大及身布貯地上以無數赤釘釘之復有罪人通身被斫如甘蔗節復有罪人獄卒斬所下劙頭斷舉劙頭生由此殺故頭聚如山手足亦爾復有罪人褫皮布地細割其肉聚置皮上復有罪人滿鐵槽中獄卒捉杵舂擣令碎復有罪人獸頭入人身

或牽車等具如前說復有無數罪人爲諸獄卒捉仗圍繞猶如捕獵是謂罪人受此殘害上上品苦難可堪忍極堅極強最爲痛劇乃至惡業未盡求死不得昔行何業受此罪報昔在人中造作十惡以輕品故不感大獄於此中生或已受大地獄果由殘業故於此受生此中生已具受種種殘業果報爾時佛言比丘閻羅王恒作是願我當何時出離於此得生人道與人同類生富貴家多諸財寶人身柔軟具相安樂車輦遊處足不踐地由年

長大六根成熟已布施作諸功德剃除鬚髮  
被著法衣由正信智故捨離居家受無家法  
既出家已願我證得究竟梵行猶如昔時諸  
善男子出家得道梵行究竟爾時世尊而說

偈言

云何作此業 現世生憂悔 未來啼叫喚  
受種種苦果 惡業未熟時 癡人謂甜美  
其業既熟已 方知是苦難 初造惡業時  
不如火即燒 如灰覆火上 隨逐燒罪人  
罪人多聰黠 一切爲損害 漸損自善根

如芭蕉結實 惡智行自損 猶如治愁家  
起造諸惡業 能感當來苦 若行善業好  
現在無悔心 未來受果報 歡喜恒安樂  
如來人天師 如實見是已 故說閻羅獄  
造惡人住處

立世阿毗曇論卷第八

音釋

磕克盍切石鑄音煩廣斧也芟師咸切鉢也  
味相筭也憚徒旦切跟古痕切劓疑器切剗五括也  
髀部裡切蘺音科藤達登切搘湯何切刖斷足也  
肢也剝叟也剝辛達也

